

«Թող Տիրամայրը քաղցրությամբ լսի
աղոթքը նրա,
Որպես պատարագ հացի ու գինվո»:

Ավելացնենք, որ հրատարակությունը ի-
րականացված է մեծ ճաշակով և բարե-
խրդնությամբ: Գրքին յուրահատուկ հմայք
են տալիս Հովնաթանյան դպրոցի և հայ
անհայտ նկարիչների Տիրամորը նկիրված
բարձրաճաշակ և խորապես հայկական գե-
ղանկարները:

Մնում է հուսալ, որ հայր Ասողիկի հոգու

արձագանքը կհարատևի, հետզհետե կը-
բյուրեղանա, կզգենու առավել կայուն գե-
ղագիտական խորք և մտածումի պայծա-
րություն:

Արտատպում ենք «Մայր մեր», «Եթե»,
«Բոլոր մայրերը կույս են» և «Մայր խա-
ղաղության» քերթվածները առ ի ծանոթու-
թյուն և սպասում Ասողիկ արեղա Արիս-
տակեսյանի մոր գրքերի:

ԵՐՎԱՆԻ ՄԵԼՔՈՆՅԱՆ

ԱՍՈՂԻԿ ԱԲԵՂԱ ԱՐԻՍՏԱԿԵՍՅԱՆ

ՄԱՅՐ ՄԵՐ

Մայր մեր
Որ հերկինս,
Որ երկնի բուրյան ծաղիկն ես արթուն,
Կապույտ խորանի լույսը շողակաթ,
Բարեխոս եղեր
Մեր հոգիներին՝ հոգով քո խնդուն:

Մայր մեր
Որ հերկինս,
Ամենագեղուն շունչդ տարածիր
Մեր երկրի վրա մեղմ ու հոգեթով,
Փարվիր աշխարհին
Քո հոգով անծիր
Եվ անցիր խաղաղ
Տնե-տուն հերթով:

Անցիր տնե-տուն և սփռի՛ր շուայլ,
Բարության շողը հույսերով լեցուն,
Որ կյանքում վշտոտ սրտերը մոայլ՝
Պայծառանալով դառնան զվարթուն:

Մայր մեր
Որ հերկինս,
Կարճիր սահմանը հեռավորության
Երկրի ու երկնի...,
Փրկության համար
Քո որդիներին...:

«ԲՈՒՆՈՐ ՄԱՅՐԵՐԸ ԿՈՒՅՍ ԵՆ...»

Բոլոր մայրերը կույս են...
Վազգեն Կաթողիկոս

Բոլոր մայրերը կույս են աշխարհում,
Աշխարհի բոլոր մայրերն հավասար,
Երբ որ մանուկ են լույս աշխարհ բերում,
Իրենց խորանից՝ սիրով սրբաբար:

Հղի՝ օրհնությանը Սուրբ Աստվածամոր,
Լեցուն բարության շողերով անհուն,
Նրանք աղոթք են հյուսում ամեն օր
Ու խումկ են ծխում ամեն իրիկուն:

Ու երագներ են պարզևում կյանքին,
Աստուծո՛ւ սրբազան տաճարի խորքում,
Որ կյանքը երբեք չդառնա՝ ունայն
Ու լույսը հանգի մեղմորեն տրտում:

Նրա՛նք են, նրա՛նք, պարզևում մեզ սեր,
Ու վառում կյանքում կանթեղը լուսո,
Որ ոչ ոք կյանքում չմնա անսեր,
Չմնա կարոտ օրհնությանն Աստուծո՛ւ:

Այդ նրանք են, որ կսկիծ ու հառաչ
Փոխում են լույսի իրենց աղոթքով,
Աստվածամորն են ելնում ընդատաջ
Ու փրկում կյանքը սուրբ արցունքներով:

Բոլոր մայրերը կույս են աշխարհում,
Աշխարհի բոլոր մայրերն հավասար,
Երբ որ մանուկ են լույս աշխարհ բերում,
Իրենց խորանից՝ սիրով սրբաբար:

ՄԱՅՐ ԽԱՂԱՂՈՒԹՅԱՆ

Խնկյալ դաշտերից կապույտ երկնային
Հղի՛ր մեզ ողջույն ու հղի՛ր օրհնանք,
Լի խաղաղության շողերով թովիչ,
Լեցուն շողերով քո վառ խնդության:

Հղի՛ր մեզ վրա շունչդ հուսածին,
Ծաղկյալ, խնկահոտ երկնային հովտում,
Տո՛ւր խաղաղություն մեր տենչանքներին,
Գթա՛ քո սիրով, շնորհի՛ր ներում...

Մա՛յր խաղաղության, օրհնա՛լ ու անգին,
Տարածի՛ր լույսը քո խաղաղության,
Մեր թույլ արտերին անսուրբ, տրտմագին,
Որ ապրենք քո սուրբ շունչով հարության: